

Ä säggssches ridual zu Allerseeln 2016

(1) musigalisches signal: 3x Gong

(2) Mudder erde vorährn:

Muddor Erde
Mer wühl'n in deim Madsch
Um von deim Grienzeich ze lehm
Großzügsch gibste uns aus voller Scherze
Mer dangn dir aus vollem Herze!
Nimm diese Semml zum Dangk!

(3) Bidde um Inschbiradschon:

Ä Güsschen von dir erbidd ich mir,
Liebe Muse,
Füll mei Boädenherz
Damit mor das gleene Ritual recht hibsch feiern gönn!

Saubermachen dor Anwesenden durch Feuor un Wassor

(4) Erschaffn vom Gosmos:

In dor Diefe fließds Wossor dor Oohn
Heilches Wossor fließe in uns

Mer endzündn s heilche Feuor
In Liebä, Vertrauen un Wahrheed
Heilches Feuor brenne in uns

Von dor Quelle dor Oohn
Bis zum Schdern dor Weisheed
Wächst dor Weldenboom
Heilcher Boom wachse in uns

Mäche de subbe sich ni erhehm un alles Ieble kehre ab
Mäche dor himmel ni uff uns gladschn un alles Ieble kehre ab
Mäche s land uns haldn un alles Ieble kehre ab
In Land, Meer un Himml
Dief verwurzelt, hoch gegreent
Dor Hain is beanschbrucht un heilich.

(5) Begründung:

Mer ham uns hier gedroffn
Um de aldn Geddor un unsre Oohn zu ehrn
Un e hibbsches gleenes Fest zu feiern

(6) De Dore effnen:

Hugin un Munin,
schwarzgefiederde Boodn vom Wodan,
Gedange und Erinnerung,
mer biddn euch,
Helfd uns, dass unsre Schdimmn zu dn Göddorn gomm.
Öffned de Dore zwischen dm Reich von uns Menschn

Und dm Reich der Göddor.
Meeche de Flamme sich öffnen als Dor,
Meche de Quelle sich öffnen als Dor,
Meeche der Boom zum Pfad zwischn dn Welden wärn!

De Dore sin offn!

(7) De drei Sibbn einlodn:

Göddor unsrer Vorveedor
Begannd als Holle und Wodan
Als Donner un Saxnod,
Mer ehrn un liehm eich
Mer biddn eich,
Nehmd unsre Gahm an
Un dringt mid uns ä Dräbbschn.
(Kräuterschnaps obforn)

Nadurgeisdor,
Riebezahl un Wala,
Zwerche, Muudschegiebchn un andre gleene Gärle,
Die ihr undor dor Danne hoggt un unnorm Vuchelbeerbaam
Mer ehrn und liehm eich
Mer biddn euch,
Nehmd unsre Gahm an
Un lassts eich schmeggn!
(Kräudor obforn)

Ihr Oohn,
Ihr, die ihr dieses scheene Land vor uns besiedeld habd
Ihr, die ihr hier eire Hüddn gebaud uns liebe Vieh gefleecht habd
Von eich simmer gegomm,
Ihr habd uns inne Weld gesetzt
Mer ladn eich ein
Mid uns zu saufn un zu feiern
Seid bei uns
Un nehmd unsre Gahm an.
(Eiorschegge un Muggefugg obforn)

(8) Ehrn dor Wesn des Fests:

Wodan un Holle,
Fiehror der wilden Jachd,
ihr, die ihr de Seeln einsammeld,
mer biddn euch, seid bei uns
an diesm Daach
un helfd unsorn lieb'n Oohn,
beganndn wie unbeganndn
zu uns zu gomm.

Ihr Oohn,
Slawn, Gelldn, Beehm, Frangn

Un woher ihr alle gaamd.
Ihr habt eich damals uff de Soggn gemachd
Habd geene Miehn gescheud
Un seid hierher gezuggeld
In'n Finsderwald.
Habd eich hier eingerichd'd
Eure Hiddn gebaud
Un Stick fier Stick e neies Lehm geschaffn.

Ihr Männor, Brieder, Vädor
Habt hard georbeid'd
Um eire Liehm zu nähren,
Habd se beschidsd geeschn Bär un Wolf,
Un manchma ooch n Nachbar vorn Gobb geglobbt
Wenn's nötich war.
Gegämbft habt er
Un gelidden,
Ooch wenn er gar ni wollded.
Mer dangn eich für eure Graft, eiern Mud un eire Liebe.
Nehmt unser Obfer an.
(Bier obforn)

Ihr Middor, Schwesdorn und Fraun,
Ihr schdanded eiern Männern zur Seide
Habd Jahr für Jahr een Glennes nachm annorn uffe Weld gebracht
Habt se umsorcht, behüd'd un so manches ma umse gebangt.
Habt an ihrn Beddln geschtandn, Schlafliedor gesummd und gebed'
Dass es Fiebor wieder weggehd.
An eierm Busn gonnt mer sich ausheuln
Euer Essen war einmalich
Un voller Liebe.
Mer dangn eich für eire Hingabe, Fürsorge und Andeilnahme.
Nehmt unsor Obfer an.
(Kräuterschnaps obforn)

(9) Schlisslgahm

Vom Essn jeweils e Dellor mit Gleesn, Rodgraut un Fleesch, un een mid Eiorschegge und Gaffee vorn Aldar schdelln.

(10) Oragl: Run'n ziehn.

(11) Ruf nachm Seechn

Mer ham euch
Gahm midgebrachd und unsor Essn mid euch gedeild
Nu bidd mer euch,
Schiggd eure Liebe und Graft
In dieses Essn, dass mor mid Liebe gegocht ham.
Sechned uns.

(12) Runnerholn vom Seechn

(13) Bestädchn vom Seechn

(ESSEN MIT ALLEN)

(14) Verabschieden der Sibbn

Geddor, Oohn un Nadurgeisdor
Mer ham zusammn gefeierd,
Un Gahm ausgedauschd.
Mer dangn euch für euorn Beistand
Gehd wennor missd,
Bleibd wennor wollt.

(15) Dore schließn:

Hugin un Munin,
Mer dangn euch fier eure Hilfe,
Nu machd de Dore wieder zu.
Lassd de Flamme wiedor Flamme sein,
Lassd de Quelle wiedor Quelle sein,
Lassd alles sein wies vorher war.

(16) Abschluss:

Mer ham dn Ohn, Göddorn und Nadurgeisdorn geobford,
Wie 's alder Brauch is.
Meechn mor uns schdehds unsror Worzln erinnorn.
Unsor Ridual is zu Ende,
Mechn unsre Herz n un Göbbe bewahrn,
Was Ooch n un Ohrn wahrnahm n.

Abschlusslied: 'S is Feierohmd....

(<https://www.youtube.com/watch?v=52ChAHIJkAk>)